

¡BOMBA!

Ya vimos demostraciones de potencias deportivas; y la afición lanza vivas: Irán, en los corazones



K'uintsil

Lunes 15 de junio de 2026

CAMPECHE · YUCATÁN · QUINTANA ROO · AÑO 11 · NÚMERO 2745 · www.lajornadamaya.mx



LGBTTTI kaaje' tu líik'saj u juum u t'aan tu bejilo'ob Puerto Progreso, Yucatán

LGBTTT kaaje' ts'o'ok u ye'esik u yojel bix u líik'sik u juum u t'aan ba'ale' beyxan bix u k'iimbesaj. Beey úuchik tu kaajil Puerto Progreso úuchik u beeta'al jump'eel manifestación tu'ux k'áata'ab jejeláas ba'alob ti'al u yutsil u kuxtal le jaats kaajila'.

"Walkil jayp'eel ja'abo'ob paachile' mún bejla'a ts'o'ok k kiinsa'al, k loobilta'al wa k biinsa'al k'albil ka'ach yóok'olal máaxo'on yéetel yóok'olal máax k yaabiltik, ba'ale' bejlae'

jáalk'ab k beetik yóok'olal uláak' máaxo'ob tu líik'saj u juum u t'aano'ob, le beetik táan k k'iimbesaj walkila", tu ya'alaj juntúul máaxo'ob jo'olbes ka beeta'ak Marcha de la Diversidad Progreso 2026.

Te'el ja'aba' tu chukaj u lajuntéenil u beeta'al noj xiímbal te'el kaajo', tu'ux páayt'anta'ab tuláakal sexo-genéricas kaajo'ob.

Meyaj ti'al u beeta'ale' je'el u biinsik jayp'eel horas: máaxo'ob ku táakpajale' ku kaxtik u maas

utsul nook'o'ob. Glamoire' ku chíikpajal kex náach yaan máak, tumen ku ts'áak u nuxi' pelucas, tacón jach táaj ka'anal, maquillaje' yéetel uláak' nu'ukulo'ob ku k'a'abéetkunsal ti'al le sútuko', je'el bix xan ts'iibo'ob ti' carteles yéetel banderas.

"Mina'an mix ba'al utskiinsbil"; u'uyaj ka'alikil juumnaj k'a'amkach paax, je'el bix reguetón yéetel electrónica.

Ku ya'aliko'obe', juntúul gay, xibilch'uup, ch'upulxiib,

intersexual wa queere' ma' k'a'abéet u ts'a'akali', mix xan unaj u juzgarta'al máak wa u yila'al ka k'éexek u yóol máaki', mix xan ba'ax uts tu yich wa bix u tuukul.

Xiímbale' káaj Unidad Deportiva Morelos tak ka'aj k'uch Malecón.

"Orgullo' u páajtalil k machik k k'ab yéetel k ts'u'uts'ikbáaj kex mix máak kéen u ya'al wa ba'ax wa ma' táan u páajtal k beetik", tu ya'alaj juntúul máax táakpaj te'el sútuko'.